

輿地志八

湖北通志卷八

山川三山

鍾祥縣

從岵山在府城內清一統志明睿宗嘗陟此製漢江賦縣志

楠木山在縣東一里一名武陵山清一統志左傳楚武王卒於楠木之

下卽此山也寰宇記引郡國志上有青泥池一名青泥山方輿紀要

平定山在縣東七里其上曠夷遊人張幄藉草各隨所適春日尤

勝縣

盤石嶺在縣東三十五里接京山縣界清一統志有上盤石中盤石下

盤石言石徑盤迴也名勝志

鷹背山在縣東五十里一巖懸出削如鷹背又毗連爲鷹子洞其

山多洞望若蜂房洞內俱光潔山半有瀑布如練盤委而下灌田

志八

輿地八 山川

一

甚廣登其巔俯視漢江沙鳥風帆歷然在目縣志

龍鳳山在縣東六十里登其上極目曠然百里如繡山下多泉泉

水所注悉爲腴田縣志

翠屏山在縣東六十里壁立千尺如屏障然春夏閒蒼翠欲滴山

半有泉灌田百畝清一統志

龜山在縣東六十里下有神龜洞清一統志

華嚴洞在縣東七十里空曠如屋清一統志

温峽山在縣東七十里據舊志補兩山對峙如峽温峽河出焉流入漢

江方輿紀要

聊屈山在縣東七十里或作嶠嶠一作盧屈左傳注作聊律蓋

音之轉耳嵯峨突起綿亙數十里與雲杜諸山相錯曉出郭門望

之如雲上有白鹿洞大旱不涸下有龍窩洞甚深廣禱雨輒應白

水所發源也縣志

孤樓巖在縣東八十里巖懸數十丈樓構其巔巖下有龍潭巖間乳水滴成石佛立像鬚眉宛然清一統志

清平山在縣東南二十里相近有寶鶴山又東南十里有瑜靈山清一統志明興府諸王葬處縣志

火龍山在縣南三十里平池蜿蜒村落高下竹木蓊鬱以其來自離方故名縣志

章山在縣西南八十里采訪冊接荆門州界即內方山清一統志又名立章山尚書鄭注漢志竟陵章山在東北古文以為內方山沔水自荆城東南流逕當陽縣

之章山東上有故城太尉陶侃伐杜曾所築水經注山高三十丈週迴百餘里續漢郡國志西魏於此立郡輿地紀勝唐司馬子微煉丹於

此因名馬仙山名勝志又名馬良山漢志以章山在竟陵括地志通輿地八山川

典皆以為在長林蓋山周百里所屆者廣也清一統志案元和志內方山在沔州漢

屏風山在縣西南八十里接荆門州界清一統志絕頂平衍中有兩泉宋開禧間郡守李直炳徙居於此名勝志

石城山在縣西十里清一統志三尖山在縣西三十里三峯聳峙雲際下瞰長江如帶清一統志山有

潮泉月望湧注倍於常潮縣志太子岡在縣西北八十里元文宗自潛邸歸即位駐此縣志

馬鞍山在縣西北一百里明季楊嗣昌請城其東北以控制荆襄亦要害地也縣志

關門山在縣西北一百里有石如屏障塞山口儼若關門其上有石鳳洞列石攢峙如鳳昂首中容數十人清一統志

雨淋山在縣西北一百三十里下有巖屋洞嘉慶初居民避亂洞

中賊首張漢潮以火薰逼洞門忽大雨滅火洞民獲全因名縣志

紗帽山在縣西北一百三十里有明勅葬忠勇將軍二塚縣志

云舊志所載如此將軍爵里姓名俱無稽且何以有二塚既云勅葬必有碑記予續修縣志屬採葺者躬詣其地訪之上有御祭碑記刻宣德元年遣禮部員外郎丁鑑御祭碑陰載工部照會已故都督僉事王玉欽賜棺槨磚灰夫匠造墳安葬甚悉一塚為忠勇將軍王福一塚為其子昭勇將軍王玉後又得其裔孫諸生曰作幹曰扶玉者所藏家乘考之王福明洪武時人太祖平定荆襄福從征一日太祖遇賊追急前阻山溪馬不能渡福以身為梁掖太祖馳去回與賊鬪力竭賊斷其首明日太祖求其屍鑄金為頭贈忠勇將軍葬紗帽山之陽福之父勅封太子太保其子玉為後軍都督僉事卒於洪熙元年御賜葬孫王勝承世職明行在工部料站地面今查紗帽山即其處然王玉王勝名載碑記而忠勇將軍明史沒其事並佚其名今據其家乘錄之

磨盤山在縣北五十里一名鐵關山石質赤堅可為碾白石工利之山濱漢水碾成舟載上下甚易故斧鑿闐然形家則以為踞邑

志八

輿地八 山川

三

上游當漢水之衝為邑肘臂不宜日加鏟削屢請當事立禁久而

仍弛縣志

赤壁巖在縣北六十里山赤谷虛人呼則應雍正湖廣通志

仙人洞一曰陽明洞在縣北九十里巖前洞曰明洞後洞曰暗洞

不可深入明洞內石牀石屏儼然細泉滴瀝有聲蝙蝠大如盤蹲

伏石穴中亦仙跡所畱也縣志

仙潭山在縣北一百里清一統志高數百仞上有仙潭洞山口復有二

山對峙曰獅子山象山雄踞水口為郡城之勝方輿紀要

扁山在縣北一百里清一統志一名窄山山勢褊窄相近有子母山有

二十二峯大小相接環列如屏方輿紀要

九華山在縣北一百一十里清一統志

純德山在縣東北十里舊名松林山清一統志鍾祥北有松林山興獻

王陵寢在焉嘉靖十年賜名純德明史地理志山西南十里曰天子岡

又北三里曰九龍岡方輿紀要

花山在縣東北二十里清一統志舊傳靈濟祖師過此時百草皆花故名名勝志

龍爬山在縣東北二十里清一統志上有龍爬痕名勝志

黃仙洞山在縣東北一百里相傳黃石公憩此因名有龍潭深不可測一名黃泉洞山即敖水發源處清一統志

鷄籠山在縣東北一百里接京山縣界其南有白水巖北有陽明洞中有石屏石筍清一統志

城子山在縣東北一百里接京山縣界縣志絕頂方池數頃四面懸崖峭壁惟一徑可通清一統志上有古城基名勝志互詳京山

界山在縣東北一百里接隨州界清一統志

小戴紫山在縣東原無此字據圖增北一百三十里峯勢如卓筆東南接隨州界縣志

大洪山在縣東北一百九十里與隨州接壤東北屬隨州西南屬鍾祥縣志詳見隨州

案隋書地理志長壽有敖山今無考據水經沔水注有敖水在今鍾祥縣北此其瀕敖水之山歟又志稱漢東有東温山與地紀勝郢州載唐山亦皆未詳

京山縣

京山在縣東十里一名京源山清一統志隋改角陵曰京山因山以名也寰宇記隋書地理志京山縣有京山

觀音巖在縣東二十里頂有瀑泉分流四派灌田數百頃其下石壁峭立殊詭百狀洞數處皆高廠如屋有古娑羅樹一本其實可

也

志

四

京山縣

京山在縣東十里一名京源山清一統志隋改角陵曰京山因山以名也寰宇記隋書地理志京山縣有京山

觀音巖在縣東二十里頂有瀑泉分流四派灌田數百頃其下石壁峭立殊詭百狀洞數處皆高廠如屋有古娑羅樹一本其實可

也

志

京山縣

京山在縣東十里一名京源山清一統志隋改角陵曰京山因山以名也寰宇記隋書地理志京山縣有京山

觀音巖在縣東二十里頂有瀑泉分流四派灌田數百頃其下石壁峭立殊詭百狀洞數處皆高廠如屋有古娑羅樹一本其實可

也

已腹疾明嘉靖中同知陳良謨引泉為池池北構亭曰爽心亭清一

統志

靈濟山在縣東五十里與大月山對峙嘉慶志

中盤山在縣東一百五十里石徑盤遶道經其中方輿紀要

申公嶺在縣東為申包胥故里縣志

倪子山在縣東南四十五里又東南五里有東龍尾山西龍尾山

兩山相竝接天門縣界清一統志

角陵在縣東南七十里入景陵界名勝志 隋書地理志 京山有角陵山

惠亭山在縣南二里一名鴨嘴山一名鳧山山上有石如鴨喙清一

統志

空山洞在縣南二十五里一名空陵洞清一統志洞口有石鼓擊之有

聲中有石仙女石鏡石臺輿地紀勝昔人秉燭入遊約二里許見大河

志八

輿地八 山川

五

奔湍甚急乃還縣志又五里有仙女洞清一統志巖谷競秀泉脈交通明一

峭壁插天洞口有石牀石枕名勝志建炎中有道者入遊數日而

出乃隨州也後有繼之者即遇迅雷暴雨不復可入輿地紀勝

七寶山在縣南五十里有黑龍洞溢水巾水出焉清一統志山產銅鐵

輿地紀勝宋嘗於此鑄兵器以鑛色雜而止縣志

聖人嶺在縣南五十里清一統志相傳孔子適楚經此名勝志

子陵山在縣南六十里清一統志有石室名帝星井輿地紀勝

纂子山在縣南六十里僧竟脫嘗卓錫於此泉水湧出又南十里

有佛指山峯尖如指又南有雁鳴山相傳漢光武過此聞雁因名

清一統志

火門山在縣南八十里世傳光武夜舉火度此故名方輿紀要 案紀要京山

天門二縣竝載火門山其文相同考京山南去天門界六十里無八十里自係顧氏之誤互詳天門

虎爪山在縣西南三十里其土可陶瓦器可爲石灰又西南十里  
有潼泉山清一統志潼泉出焉明一統志

小泉洞在縣西南五十里柳門口內廣敞可容數千人河自內出  
崇禎九年賊逼南境生員李應命率土人避於其中賊果不能問  
積火厝薪薰焉凡在洞中者俱死有全宗俱絕者書之以誌戒縣志  
磨石山在縣西南七十里澁水出焉相近有大脊山上有大人蹟  
亦名大蹟山又西南十里有月掌山清一統志

寶香山在縣西南九十里清一統志舊傳慈忍禪師過此手焚異香因  
名名勝志

城子山在縣西二十里與鍾祥接壤上有古城遺址宛然土人猶  
時掘得窖粟縣志案志本作在縣東然縣東不與  
鍾祥接界且與鍾祥所載不合今改

橫嶺山在縣西八十里一名五泉山有五穴出湧泉如鼎沸又西

志八

輿地八 山川

六

三十里有沙子山清一統志

白谷洞在縣西北五里有飛泉百餘丈下匯於洩水縣志

扈家山在縣西北十五里宋時有扈姓居此上有古寨縣志

隍城洞在縣西北二十五里有小穴石塞其穴去石得一大洞虛

明宏做中多奇勝縣志

摩旂山在縣西北六十里上有觀縣志

花石巖在縣西北六十里洩水出此縣志

白水巖在縣西北八十五里高千餘丈有泉從巖上飛流而下隨州志

大洪山在縣西北一百二十里接隨州界清一統志在縣西北二百里

孤秀爲眾山之傑其山多鍾乳元和志  
互詳隨州

張良山在縣北十里清一統志山有張良走馬路至今不生草木寰宇記

峯巒高峻草木秀美峭壁間有一橫徑多馬迹山下有鐵彈丸如鷄卵後人多得之明一統志其陰馬跑泉相傳關壯繆駐兵處山無水

士卒患渴馬跑地而得泉至今資灌溉焉方輿紀要

勝境山在縣北三十里峭特為境內之勝方輿紀要

芭蕉山在縣北六十五里清一統志

老龍洞在縣北七十里巖高洞敞容數千人水流經其中深遠不

可測明末土人避兵於此全活者眾縣志

香山在縣北八十里遠望數百里外西下為白竹畝有尙氏先塋縣志

縣志

太陽山在縣北九十里富水出焉羣峯際空上多猿鹿其西北有

青巖宋書柳元景副沈慶之征鄖山進克太陽即此清一統志

羅漢嶺在縣北一百里一名關山嶺又名關王嶺清一統志上平如掌

志八

輿地八 山川

七

有毬場及故城壘輿地紀勝

滴水巖在縣東北五里與京源山竝峙有石室頗幽勝清一統志

聖境山在縣東北三十里縣志

白沙山在縣東北六十里清一統志唐書地輿地紀勝白沙水出焉

五寶巖在縣東北六十里五峯高數十丈廣二百步小石倒綴瑩

秀可愛清一統志

穿洞在縣東北六十里去五寶巖里許一山蜿蜒東行屈曲相對

畫分兩洞中有陂諸谷水所會其陰皆稻田欲灌溉則決陂北流

足則導流南出上為孔道中空而外不見亦一勝槩清一統志

石人山在縣東北七十里清一統志半巖間有石類人明一統志

潛江縣

棠梨岡在縣西南八十里又有柘陂岡在縣西七十里清一統志案縣志

境內無山清一統志有壽寧山在縣西半里王謙大佛寺記有壽靈山荊州志亦載壽靈山舊志云疑卽寺基勢若隆起實非山也

天門縣 鳳凰山一名鳳凰臺在縣東門內城內三臺之一也縣志

東岡在縣東七十里當松石華巖二湖閒唐陸羽嘗居於此清一統志

自號東岡子縣志

次華山在縣東九十里山嶺連屬接鍾祥界圖書集成引舊志

見龍山在縣治南層起環衛蜿蜒如龍清一統志脈自東來環於縣南

縣地卑人依山以居自下而視如無山然登譙樓南顧山形始見

姜瑄記

諸葛嶺在縣南二十里世傳諸葛亮屯兵處清一統志

珍珠坡在縣西五里俗傳昔有賈人販珠覆舟於此坡側名覆舟

岡清一統志

志八

輿地八 山川

八

青山在縣西四十里突起五峯北產黑石南產青石前有小山曰

木魚岡巒聯綴一望蒼翠故名縣志

巾戍山在縣西清一統志采訪冊云西四十里晉元熙二年竟陵郡巾戍山得

銅鍾七口水經注

小紅山在縣西五十里山東曰犀牛山山前曰老鶴山又前曰吾

寶山嘉慶志

天門山在縣西北五十里交京山境卽龍尾山之首兩峰峙天其

中如門縣以此得名相去里許有火門山差小兩兩相對相傳漢

光武兵度此夜黑舉火因名唐書陸羽傳羽廬火門山明統志唐

陸羽負書從鄒夫子學卽此按天門火門舊志作一山誤今改正

清一統志

龍穴山在縣東北五十里一名龍尾山方輿紀要近山有龍穴輿地紀勝



上有石脊如龍又有石室二曰前後觀清一統志

五華山在縣東北七十里一名五花山清一統志唐書地理志竟陵有五花山山嶺

連屬北接郢州山周九百丈高十五里縣志上有伏羲廟相傳伏羲

之後封於此有古風國故城清一統志山下有臨津門名勝志

襄陽縣

玉山在縣東四十里土石皆白故名亦名峪山縣志

鹿門山在縣東南三十里舊名蘇嶺山清一統志案後漢朱祐

擒秦豐蘇嶺山續漢書郡國志注案范書祐傳祐攻黎邱城

嶺山蓋本他家後漢書建武中襄陽侯習郁立蘇嶺祠刻二石鹿夾神道百

姓謂之鹿門廟遂以廟名山襄陽記漢龐德公唐龐蘊及孟浩然皮

日休俱隱居焉輿地紀勝唐孟浩然詩清曉因興來乘流越江

微淺巖潭多屈曲舟楫屢回轉昔聞龐德公采藥遂不返金澗養

芝尤石牀臥苔蘚紛吾感者舊結攬事攀踐隱跡今尚存高風邈

志八

輿地八山川

九

已遠白雲何時去丹桂空偃元史世其南

蹇探討意未窮回艫夕陽晚祖紀為霸王山相傳項羽屯兵於此名勝志鹿門霸王二山實相連而異

名後人遂以為兩山耳襄陽府志又南為陽橋山春秋楚為陽橋之役

卽此名勝志案陽橋魯地名勝志誤

鳳林山在縣南七里縣志清一統志作東南十里宋之間過襄

陽登鳳林山閣卽此名勝志一名鳳凰山縣志地中出石巉巖險怪如

大山勢色青黑叩之有聲宋杜綰雲

峴山在縣南七里亦曰南峴方輿紀要一名峴首山清一統志高五百步襄陽

記東臨漢水元和志自漢上望之蓋諸山之小者歐陽修峴山亭記山上有

桓宣所築城孫堅死於此又有桓宣碑羊祜嘗登之及薨後人立

碑於故處望者悲感謂之墮淚碑山上又有征南將軍胡羆碑又

有征西將軍周訪碑水經注山東麓為朝陽巖縣志張九齡詩昔

年亟攀踐征馬復來

過信若山川舊誰如歲月何蜀相吟安在羊公碣已磨令圖猶寂  
寞佳會亦蹉跎宛宛樊城岸悠悠漢水波透迤迤春日遠感慨客情  
多地本原林秀朝來煙景和同心不同賞畱歎此巖阿陳子昂  
詩秣馬臨荒甸登高覽舊都猶悲墮淚碣尚想臥龍圖城邑遙分  
楚山川半入吳邱陵徒自出賢聖幾彫枯野樹蒼煙斷津樓晚氣  
孤誰知萬里客懷古正躊躇李太白詩訪古登峴首憑高眺襄中  
天清遠峯出水落寒沙空弄珠見游女醉酒懷山公感歎發秋興  
長松鳴夜風孟浩然詩人事有代謝往來成古今江山畱勝迹  
我輩復登臨宇宙誰開關江山此鬱盤登臨今古用風俗重陽節  
地又九日詩宇宙誰開關江山此鬱盤登臨今古用風俗重陽節  
俱懷落帽歡酒邀彭澤載琴輟武城彈獻壽先浮菊爭幽或藉蘭  
煙虹鋪藻翰松竹挂衣冠叔子神如在山公興未闌傳聞騎馬醉  
還向習池看司空曙詩峴亭回首望秦關南向荆州幾日還今  
日登臨惟有淚不知風景在何山胡曾詩曉日登臨感晉臣古  
碑零落峴山春松閒殘露頻滴似當年墮淚人宋蘇軾詩  
遠客來自南游塵昏峴首過關無百步曠蕩吞楚藪登高忽惆悵  
千載意有偶所憂誰復知嗟我生苦後團團山上檜歲歲閱榆柳  
大材固已殊安得同永久可憐山前客後團團山上檜歲歲閱榆柳  
來者當自剖曾鞏詩維舟河南岸置酒峴山堂入座松雨溼吹  
衣水風涼煙嶺火明滅秋湍聲激揚乍釋塵垢累况餘燈燭光羊  
公時宴客為樂未渠央而我獨今夕攜家對壺觴頗適麋鹿性頓  
驚清與長歸去任酩酊詎期誇阿强米芾詩皎皎中天月團團  
徑千里震澤乃一水所占已過二婆娑映峴山謬云形天地地惟

志八

輿地八山川

十

東吳偏山水古佳麗中有皎皎人瑤衣玉為珥位為列仙長學與  
千年對幽操久獨處迢迢願招類金颺帶秋威歛逐雲櫺至朝過  
輿馭聽暮過光浮袂雲育有風驅蟾餐有刀利亭亭太陰宮無乃  
瞻星氣興深夷險一理洞軒裳偽紛紛夸俗勞坦坦忘懷易浩浩  
將我行蠢蠢須公起

白馬山在縣南十里一名白鶴山清一統志以白馬泉名南雍州記每

年三月三日刺史褰飲於此山輿地紀勝或云卽劉整築堡之白鶴山

府志

谷隱山在縣南十里縣志一作穀隱明一統志在縣東南十三里晉習鑿

齒隱遯之所有僧寺曰興國院今名紫金寺輿地紀勝

臥龍山在縣南十里下有習家池清一統志山臨漢江為郡城扼要昔

鳳凰灘在是山之西為鳳林關山後有蠻王洞縣志

伏龍山在縣南二十里清一統志曾鞏知襄州事時嘗祈雨於此山輿

勝覽

百丈山在縣南二十里清一統志舊傳山有麝香獸棲止劉表遣人采

藥遇坎穴得麝香數斗如石蓮馨香芬馥非世所有輿地紀勝蒙古逼

襄陽宋將來興國赴救以百艘泊百丈山下即此方輿紀要

楊芳山在縣西南二里許山下為鴨湖即檀溪之下流縣志

虎頭山在縣西南三里嘉慶志元阿朮駐馬是山指白河口曰若築

壘於此襄陽糧道可絕矣遂築鹿門新城諸堡元史阿朮傳上有漢昭

烈濯筆池名勝志

龜山在縣西南五里一名小武當山俗呼九宮山清一統志上有石襄

人以三月三日來遊謂可免災山麓有劉先主亭名勝志

風子山在縣西南八里清一統志有隧道風穴輿地紀勝

楚山一名馬鞍山一名望楚山在縣西南八里清一統志圖經云秦與

齊韓魏攻楚方城秦軍登山以望楚因名明一統志襄陽記一名災山

志八

輿地八 山川

十一

方輿紀要宋元嘉中武陵王駿為刺史屢登之以望見鄢城改為

望楚山後遂龍飛孝武所望之處時人號為鳳嶺高處有三燈寰宇

記作三墩即劉宏山簡九日宴賞之所太平御覽山麓與峴山接所謂馬鞍

山道也方輿紀要案圖經之望楚指方城山詳見後竹山明一

望楚曾未一攀躋石壁疑削成眾山比全低晴明試登陟目極

無端倪雲夢掌中小武陵花處迷暝還歸騎下蘿

柳子山一名柳橫山在縣西南十五里縣志水出縣西柳子山梁簡

文帝為州日汎舟窮柳子之源即此明一統志柳關以柳子山得名方輿

襄山在縣西五里嘉慶志荆楚之地水駕山而上者皆呼之為襄寰宇

記案嘉慶志及襄陽府志縣志襄山下並引寰宇記說然樂氏本釋襄水非釋襄山也

紫蓋山在縣西五里縣志淳熙中高夔改名中峴山輿地紀勝

阿頭山在縣西九里與萬山接壤岑彭破張楊於此縣志

萬山在縣西十里縣志一名方山一名蔓山一名漢皋山清一統志沔水

又東逕方山北案初學記太平御覽引此文作萬山元和志寰宇

山疑亦係萬山之譌方漢皋即方山之異名也古蹟解佩渚與紫

蓋山峴山為三峴輿地紀勝此乃上峴也志縣山下潭中有杜預碑

水經注宋蘇軾詩西行度連山北出臨漢水漢水蹙成潭旋轉

山之趾禪房久已壞古登清泚下有仲宣閣縵刻深容指回頭

望西北隱龜背起傳云古隆中萬樹桑柘秀不到爛成恥問之

見洲尾綠水帶平沙盤盤如抱珥山川近且秀嶺頗秀發王粲舊

安能詳畫地費簪筆曾鞏詩萬山臨漢皋峯嶺頗秀發王粲舊

居處荒草久埋沒解佩蓋已幽沈碑終自伐最宜北城望正值霧

鬚歇縹緲出煙雲清明動毛髮留連至歸時長見西林月

摩旗山在縣西十里相傳元人聚兵嘗摩旗於此岡巒起伏凡九

里又名九里衝清一統志

桃花山在縣西二十五里舊傳多桃樹故名金水發源桃花嶺即

此府志

隆中山在縣西三十里府志沔水東逕隆中歷孔明舊宅北是也水

注互山畔為草廬山半為抱膝石隆起如墩可坐十數人下為

躬耕田清一統志唐胡曾詩世亂英雄百戰餘孔明方此樂耕

來西國千年愛未衰今朝游故里蜀客不勝悲誰言襄陽野生此

萬乘師山中有遺貌矯矯龍之姿龍蟠山水秀龍去淵潭移空餘

蜿蜒迹使我寒涕垂曾鞏詩二首志士固有待顯晦非苟然孔

明方微時息駕隆中田出身感三顧魚水相後先開府在庸蜀欲

正九鼎遷垂成中興業復漢臨秦川平生許與際獨比管樂賢人

才品自異自得豈虛傳稱吳稱魏已紛紛渭水西邊獨漢臣平

日將軍不三顧尋常田野帶經人

土門山在縣西四十里其形如門方輿紀要深數十里俗呼土門沖清一

鶴子山在縣西五十里下有鶴子川清一統志

獨樂山在縣西北五十五里縣志盛宏之荊州記鄧城西七里獨

樂山案縣志山實在鄧城西諸葛亮嘗登此山作梁父吟輿地紀

紀勝作樂山引荊州記云諸葛亮嘗登所居山作樂今縣志無作  
樂山疑卽獨樂山而紀勝誤分爲二也又南雍州記水經注並作  
樂山而文與荊州記同則稱名不應  
此異殆輾轉證引而誤脫獨字耳

團山在縣北十五里縣志宋嘉定中金兵來自團山扈再興卻之宋史  
扈再興傳

土山在縣北平岡也分二大支東大支發脈河南內鄉縣歷鄧州  
西北南至魏家集又分二支西一支南入襄境歷黑龍集馬家集  
至清河北岸止東一支東南入襄境歷泰山廟黃家集至紅綾鋪  
南折抵青塚又東南至固城紅山止計一百三十餘里西大支自  
光化東北亦分二支東一支南入襄境歷石橋鎮白家集龍王集  
止西一支經張家集西南至蕭家集南折而東歷神馬寺東至清  
河店獨山寺止計一百二十餘里縣志  
查牙山在縣東北清一統志山在鄧城縣東四十里寰宇記  
案隋書地理志襄陽有鍾山清一統志鍾山在襄陽縣境今無  
可攷姑附於此

志八

輿地八 山川

三

宜城縣

毓秀山在縣儒學後雍正湖廣通志

紫蓋山在縣治西城跨其上舊有紫陽觀今圯由峴山下岡巒起

伏迤連西南接大阜於朝陽觀山形亭亭如蓋其色紫赤故名今

書院取名紫峰以此縣志

兩乳山一名兩耳山案名勝志分在縣東三十五里縣志以形似名

名勝

臥牛山在縣東五十里雍正湖廣通志

鐵砧山在縣東八十里雍正湖廣通志上多石如鐵砧襄陽府志

南泉山在縣東九十里府志山南有泉清一統志

馬頭山在縣東南三十五里形似馬首縣志

黃鶯山在縣東南四十五里長八九里縣志

赤山在縣東南五十里山臨漢水俗名紅山縣志土石皆赤下有深

潭名釣魚潭名勝志又下有滴水巖清一統志相近有鳳山縣志又東南十

里有走馬岡相傳關壯繆練兵於此方輿紀要

龍山在縣東南九十里南界鍾祥東界棗陽縣志

太山在縣南清一統志山下有廟詳古蹟冠蓋里建安三年山崩聲聞五六

里水經注

青龍寨在縣南少西五十里山嶺重疊羣峯插天采訪冊

牛心山在縣西南二十里其南五里為鶴子山有大坑宋末與蒙

古戰不利士卒多坑於此方輿紀要上有風洞清一統志其北為女冠山山

之北為萊公山西倚蠻水東接石梁山縣志上產仙韭清一統志

志八

輿地八 山川

古

金牛山在縣西南三十里兩山排空最稱阻奧采訪冊

夫子隴在縣西南四十里縣志俗傳以孔子所經得名清一統志

八萬山在縣西南五十五里山極險峻縣志

分水嶺在縣西南六十里有水分流北入縣界南入荆門州界清一統志

統志

天池山在縣西二十八里山頂有池出泉近就堙上有石寨為明

末避兵處縣志

石梁山在縣西三十里清一統志隋書地理志漢南有石南雍

州記山形如橋梁寰宇記襄陽記山起白雲則雨黃雲則風黑雲則

蠻多病太平御覽四十三案九域志宜城縣有西梁山疑卽此山固在縣西也

小尖山在縣西三十里形尖小俗名冲天鳳清一統志

蚌山在縣西三十五里山形似蚌故名雍正湖廣通志

臥虎巖在縣北十二里縣志宋咸淳間范文虎以舟師援襄陽元將

阿朮劉整拒戰於此府志

五車山在縣東北二十五里府志俗傳龐蘊棄金於此下有滴水巖

名勝志

鷄鳴山在縣東北二十五里又東二里有偏頭山縣志

杏兒山在縣東北四十里四面壁削北有鳳凰山南有石龍山采訪冊

劉家寨山在縣東北四十里山體陡削舊列石壘為明季避兵處

縣志

天龍山在縣東北四十里縣志上有坑闊丈許深不測清一統志

長山在縣東北四十五里去杏兒山東北三里山脊自北而南綿

互十餘里縣志

志八

輿地八 山川

五

排山在縣東北五十里縣志

扁石巖在縣東北七十里形勢險峻采訪冊

大峯頂在縣東北九十里高冠諸峯北接襄陽界縣志

案隋書地理志上洪有亞山唐書地理志宜城有陰山今皆無考

南漳縣

舞旗山在縣東二十里縣志以形似名清一統志

仙女洞在縣東三十里遇旱祈雨多應洞門高大直入數十步門

小過淺水塘復高闊石檻橫截高可丈餘登其上如登臺俗呼第

六灘又有小洞進洞潭水深不可測旁無路徑不得入俗呼第七

灘為祈雨取水處此洞與荆山之洞及四望山之洞其名皆同蓋

邑有三仙女洞云縣志

玉溪山在縣南二里縣志其峯高峻下有溪水聲淙淙如玉佩故名

九域志山麓為一歛巖壁立數仞有石室曰白馬巖一名白龍洞又

名聖馬洞為漢水鏡先生棲隱處石壁橫裂可容數百人每歲三

月十八日數百里民賈期會交易於此山之西又有一山竝峙而

中隔深澗孤峯特聳山頂周壘圍牆如寨土人名為寨山嘉慶志

四望山在縣南三十里一名太府山登其巔可東望襄陽西望房

縣南望荆門北望穀城故名清一統志建中二年梁崇義發兵攻江陵

至四望通鑑山麓有仙女洞內有石乳滴成珍珠織蓮花座諸狀嘉慶志

志

老雅山在縣南七十里周四十里襄陽府志宋咸淳八年元翟招討將

軍由老雅山徇荆南宋元通鑑險峻幽深人迹罕至明一統志俗亦名老鴉

山方輿紀要

志八

輿地八 山川

六

如珠山在縣南一百里左為鐘鼓山嘉慶志

青溪山在縣南二百六十里接荆門州屬之當陽遠安二縣界府志

荆州記臨沮縣有青溪山晉郭璞為臨沮長嘗遊於此賦遊仙詩

寰宇記互詳當陽遠安

八疊山在縣西南六十里府志一名沮山一名柎山清一統志吳將朱然

諸葛瑾從柎中乘山險道北出柎中去襄陽城百五十里襄陽記或

云司馬懿鑿八疊山開路於此停阻以屈曲八疊為名寰宇記

雲岐山在縣西南三百里高入雲表接東湖縣界府志

九島山在縣西南四百里輿地紀勝按今縣境無四百里俟考

十眼洞在縣西十里雖懸巖不甚危險洞內有三石柱自上而下

離地尺許水湧出其下清涼異常洞下有溝多產菖蒲一寸九節

縣志



康狼山在縣西八十里清一統志夷水導源中廬縣界康狼山山與荆

山相鄰水經注又西二十里有汶陽洞清一統志

荆山在縣西八十里清一統志禹貢南條荆山在臨沮縣東北漢書地理志

新城汭鄉縣南左傳杜注荆州記曰清溪北即荆山續漢書郡國志注距景山

東北百里據山海經豫州西南至荆山荆州北據荆山尚書孔傳乃荆豫二

州之界欽定書經彙纂荆州取名於此釋名山三面險絕惟東南一隅纔通

人徑元和志九州之險也左傳河圖括地象曰荆山為地雌上為軒轅

星藝文類聚其陰多鐵其陽多赤金漳水出焉山海經漢水至此東別為

滄浪水南都賦注上有池周迴四十餘步寰宇記下有抱玉巖名勝志巖東

有仙女洞輿地紀勝迤西岡嶺相接皆曰西山方輿紀要左傳子革曰辟在

荆山以地近西境而言也春秋地名攷略

羊角山在縣西一百二十里峯似羊角故名縣志

司空山在縣西方輿紀要嘉慶志並作西北一百三十里府志接保康縣界清一統志

山高峻為西山要口宋咸淳十年蒙古伯顏南寇時一由棗陽哨

司空山是也方輿紀要明成化中尚書白圭破賊劉千金於此山嘉慶志

互見保康

陳岐山在縣西一百三十里有二十四峯府志

臨漳山在縣西一百八十里清一統志本名鷄頭山北臨漳水寰宇記

雲蓋山在縣西北三十里有雙池寺又有珍珠池三股松諸勝嘉慶志

五盤山在縣西北五十里山勢紆迴盤曲縣志嘉慶二年王文雄領

軍駐此為保康南漳要路平定教匪方略

西溪洞在縣西北一百四十里四山險峻巖壁如削清一統志洞下五

里有西溪廟府志

十會山在縣北十五里府志左有澗縣志

柏香山在縣北三十里山多柏明襄康王葬此又二里許為久安

山府志

觀音巖在縣北四十里山似普陀之形故名懸巖數丈儼如雲錦

天造地設之奇觀也頂上出泉滴滴有聲遊者每瞻眺不忍去縣志

七里山在縣北五十里南為飛鳳巖有石門寺雍正湖廣通志

白石山在縣北一百一十里清一統志襄水所出元和志

福隆山在縣東北七十里有明教寺嘉慶志

案隋書地理志義清有靈山今無考

棗陽縣

花包山在縣東三十里嘉慶志案縣志作花山云俗呼花兒山又引獨醒雜志宋詞人柳屯田之墓在此山

志八

輿地八 山川

六

霸山在縣東五十里縣志隋書地理志棗陽有霸山 一名武王山清一統志世傳楚

武王嘗獵於此輿地紀勝

九十九岡在縣東南二十五里接隨州界清一統志自棗陽至厲鄉道

路相錯號九十九岡通鑑注

磨劍山在縣東南四十里縣志

資山在縣東南六十里縣志深邃闊遠可以耕種修竹大木環山之

民皆資焉輿地紀勝

聖龍山在縣東南八十里襄陽府志

光武山在縣南四十里一名白水山一名獅子山上有白水寺左

有井嘉慶志唐書地理志棗陽有光武山唐駱賓王光武山

明照上谿宿密雲蒸登詩總轡疲宵邁驅馬倦晨興既出封泥谷還過避雨陵山行

光斗山在縣南七十里相傳光武為莽兵所逼夜至此山有光射

斗閒故名縣志又里許為無量山嘉慶志

八萬山在縣南八十里漢光武嘗屯兵八萬於此縣志

金牛山在縣南九十里相傳有金色牛出沒山中縣志

紀山在縣南一百五十里接宣城縣界清一統志

櫻源山在縣西南七十里縣志一名石鼓山清一統志隋書地理志春陵有石鼓山案

嘉慶志云石鼓山即襄沔記櫻水源出隨州棗陽石鼓山輿地志魏置櫻源縣以此名勝志櫻源山亦名石虎山輿地紀勝山有二石名東

西石虎名勝志

青山在縣西南七十里山峯高聳綿亙百里縣志

洞兒山在縣西南九十里縣志

臥虎山在縣北三里嘉慶志世傳胡烈婦殺虎處縣志案此誤也

婦渤海劉平妻至正七年平當成棗陽車載其家以行夜宿沙河旁虎至銜平去胡追及之持虎足顧呼兒取刀殺虎死扶平還至

季陽求醫以傷卒沙河在直隸是道中事未能至棗陽也安得附會縣境之山本不當載特錄出辨之

唐子山在縣北五十里接河南唐縣界清一統志水經泚水注唐子陂在唐子山西南隋

書地理志蔡陽有唐子山白石聳秀為邑之後障縣志

浮山在縣北九十里輿地紀勝隋書地理志順義有浮山

大阜山在縣東北六十里一名大父山清一統志案水經注白水出安

昌縣故城東北大父山父與阜音近隋書地理志蔡陽縣有大鼓

山鼓亦阜之訛又山脈北與桐柏縣之大復山相連復阜亦一音

之轉縣志

椒山在縣東北六十里嘉慶志

甘泉山在縣東北六十里清一統志地肥水甘故名輿地紀勝東北接隨州

鷄鳴山縣志

赤眉山在縣東北八十里清一統志相傳漢時赤眉嘗踞此山下地名

赤眉山在縣東北八十里清一統志

赤眉山在縣東北八十里清一統志相傳漢時赤眉嘗踞此山下地名

北寨輿地紀勝

案隋書地理志春陵有四望水今無考輿地紀勝四望山在棗陽縣東北一百里四望遠近皆見山水當相近

穀城縣

書堂山在縣東南五十里明漁隱先生楊舟讀書處縣志

赤山在縣東南八十里襄陽府志丹巖壁立俯臨漢江故名名勝志

萬銅山在縣東南九十里俗傳唐時嘗鑄萬斤銅鐘於此故名清一志

統志

五塚山在縣東南九十里明天順初改名永安山方輿紀要

高亭山在縣南五里清一志山有靈士民奉之水經注

老軍山在縣南十里雍正湖廣通志

團山在縣南五十里府志

志八

輿地八 山川

三

金牛山在縣南八十里唐廣德寺鑄鐘以牛負之路經於此故名

雍正湖廣通志相近有青安山明襄靖王墓在焉縣志互詳陵墓

虎兒巖在縣西南十里峭壁臨澗人經其下峰迴路轉入橋高低

隔岸視之宛如畫圖上有元鐵木耳墓縣志

方山在縣西南三十里下有癸門關相近有風山洞甚深邃四時

有風縣志

普陀洞在縣西南五十里懸巖似龍頭泉從龍口湧出禱雨禳疾

者多應縣志

薤山在縣西南八十里肇域志荊州記曰筑陽縣西北有薤山續漢書郡

國志襄陽記曰襄陽縣薤山上有竹三年生一筍筍成竹死代謝

如春秋焉太平御覽四十三案襄陽當是筑陽之訛或譌郡為

筍蓋據此諸山雲起此山無雲終不降雨諸山無雲此山雲起必降大

雨土人恆以爲驗因山薤爲名寰宇記一名伏龍山清一統志其旁有大

旗小旗二山縣志

石筍洞在縣西南八十里乾隆三十三年五月五日始開內有白

石筍大者似塔形小者似筆架或上生或倒挂班班可愛二三層

內尤佳日往遊者數百人鑿取一空縣志

筆架山在縣西南九十里爲縣文峯縣志

四祖山在縣西十五里明王奇墓在焉縣志

古府縣志山在縣西二十五里嘉慶志

眞武山在縣西四十里四圍無山連屬平遠可愛上有眞武觀明

王訥墓在焉縣志

銅山在縣西五十里一作童山縣志梁楊師厚取穀城西童山之木

通鑑

志八

輿地八 山川

三

天池山在縣西九十里縣志

倒驢山在縣西九十里接房縣界清一統志又西九十里有陰巖山嘉慶志

開林山在縣西北四里一名闕林山清一統志筑陽縣北四里有開林

山續漢書郡國志注引荊州記沔水又南逕闕林山東本郡陸道之所由有二

碑其一卽記闕林山先時或斷山岡以通平道民多病守長冠軍

張仲瑜乃與邦人築斷故山道水經注案開闕形近必

穀城山在縣西北十里一名穀山一名穀神山清一統志案方

西北十里有古城志以爲卽春秋時穀伯綏國都又有穀城山

在縣西十里有石城水經注云古穀國城在穀城山上似分爲

兩山皆有城未宗一說今從清統志

界山在縣西北一百二十里有大小二山接均州界清一統志或以爲

卽分磧山也齊陳顯達敗還處方輿紀要

屏風山在縣北九十里雍正通志作南五十里嘉慶志府縣志並同紀勝有白玉堂縣志作

蟾仙人得素書於此輿地紀勝

### 光化縣

馬窟山在縣東南五里嘉慶志舊名馬頭山寰宇記馬窟唐天寶六年

所改也輿地紀勝案太平御覽引荆州圖記中廬縣馬穴山有

日馬穴又襄陽記中廬縣西山中有一道漢時常出馬三國時陸

遜攻襄陽此穴中又有數十匹馬出遜載還建業蜀使來有五部

兵家滇池者識其馬色云父所乘對之流涕水經注中廬西山

出馬云蓋即據此中廬今南漳縣東北六十里故嘉慶志以此

山列入南漳考今南漳志無此山續漢郡國志注引荆州記云是

析縣馬頭山析縣今河南內鄉東北百二十里與光化接壤故自

宋以後載籍皆專隸此山於光化嘉慶志但知據襄陽記而不知

荆州記已明為析縣之山乃分列其名曰馬穴馬窟又光化馬窟

下引太平寰宇記及輿地紀勝皆中峯為登雲山少南為文筆峯

竄志原引之南雍州記文殊誤

登雲山南第二峯為石泉山山又南為白龍山又六里為駱駝坳

又四里為秦家岡又十五里為石虎坡嘉慶志

五龍山在縣西十二里東接固封上有五龍廟宋乾德令歐陽修

嘗祈雨於此其北為五龍洲縣志

龍拱山在縣西十五里又十五里為孤石嶺嘉慶志

臥牛山一名方山在縣西三十里下為富鄉村周伍子胥故里祖

塋猶存縣志

鳳凰山有二一在漢東一在漢西隔河對峙均縣西三十里又西

五里為魚鱗山又西五里為馬鞍山縣志

白廟嶺在縣西四十里四壁皆白石有黃棟樹一株大數十圍老

幹蟠屈數百年物也縣志

龜蓋山在縣西四十里山形陡峻南北壁立如削東西有小徑通

出入中平坦可容數百人咸豐六年粵匪之亂居民築壘其上名

天險寨縣志

葫荻山在縣西五十里接均州界清一統志山多葫荻故名襄陽府志

唐廟山在縣西五十五里發脈均州武當山高三百餘丈為漢西

諸山冠縣志

固封山在縣西北五里清一統志九域志光化有固封山在順陽王城西本名崇

山唐天寶六載改名輿地紀勝

紅巖在縣西北十里縣志

三尖山在縣西北六十里接河南浙川縣界方輿紀要

廣節山在縣西北有宋歐慶墓歐陽修撰墓表縣志

麒麟山在縣北五里一名牛頭山清一統志山以形似名名勝志又名雲

臺山漢水舊曾經此縣志又二十里為白水峪又十里為吃爾巖嘉慶志

杏兒山在縣北七十里接河南鄧州界方輿紀要地多杏樹因名有杏

志八

輿地八 山川

三

花洞深不可測清一統志

紅岡在縣東北四里嘉慶志案縣志作橫岡

朱家岡在縣東北二十里縣志又東為小堰山南為大堰山嘉慶志

均州今改縣

馬鞍山在州東五里有岡曰九里岡嘉慶志

烏頭山在州東三十里清一統志

大觀山在州東南三十五里下有小觀山清一統志皆在漢水之中嘉慶志

龍巢山在州東南六十里清一統志山在沔水中高十五丈廣員一里

二百三十步山形峻峭林木隆冬不彫水經注

龍山在州東南七十里下即均水口清一統志

小界山在州東南八十五里又三十五里為大界山府志

寶蓋山在州南二十里又四十里有絞口山府志

石階山在州南一百里清一統志隋書地理志武當有石階山隋圖經云石階山一

名華岳地肺一名肺山寰宇記

女思山在州南一百里清一統志續漢志注引荆州記武當有女思山

仙人峯在州南一百一十里嘉慶志

武當山在州南一百二十里州志續漢郡國志注引荆州一名

仙室一名太和案明一統志初名仙室山又名太嶽山真武奉元

以當之又真武上昇之地宋張端義房襄之奧區荆湖之巨鎮也

太和山亦曰參山水經注堵水下荆州圖副記山形特秀異於

眾嶽晉咸和中歷陽謝允舍羅邑宰隱遁斯山故亦名謝羅山水經

注山在南陽界而去洛陽甚近輿地紀勝引郭山高二千五百丈

元和區域周迴四五百里中央有一峯名曰參嶺案即天高二十

志八

輿地八 山川

志

餘里望之秀絕出於雲表清朗之日然後見峯一月之間不見四

五青霄蓋於上白雲帶其前且必西行夕而東返常謂之朝山蓋

以眾山朝揖之故太平御覽有七十二峯三十六巖二十四澗五

臺五井三泉三潭明史地理志有石門石室相承云尹喜所栖之地又

陰君內傳云君字長生入武當山昇仙是也太平御覽引學道者

常數百相繼不絕詳仙釋若有於此山學者心有隆替輒為百獸

所逐太平御覽引案寰宇記三夫人峯亦武當山峯之一也清一

至元二年四月遣使以香幣賜武當山元史順永樂中賜名太嶽

太和山明史方嘉靖中賜名元嶽肇城有治世玄嶽坊文石為之

海隅山之秀有小山環列數十其得名者為石階女思等山又有

鶴鳴山在山之西外朝山在山之後以峯巒外向也方輿紀要

序武當為名山舊矣元符改元之二年屠維單闕自鄼之平陵越

明年上章執徐正歲元日往遊世家古鄭故自以為太華逸民而



均陽乃南鄉古郡於是設平陵丈人爲對問以賦其事云太華逸  
民適乎南鄉值平陵丈人植杖道周敬修容而問焉曰僕履荆州  
歷楚固案載籍誦者舊遊鳳關嘯傲峴首晚碑征南之阪捫鹿  
習池之岫策筵梅鵲之嶼飲馬雙池之瀾雖清澗之可喜實雄奇  
之未觀比游滄浪至于幽都夾漢爲塹隘比成皋第陵邑或巖於  
翻濤藏溪隱木險于雁門已可方於虎牢第嶺起造天其高如  
或強於齊獮雖弗逮乎雁門已可方於虎牢第嶺起造天其高如  
勢之非豪或一山之巨麗俯列岫以彌喬卓犖莫掩拔於其曹  
鳳於翼如麟於毛如人之傑如士之髦居眾莫掩拔於其曹  
知其何山也丈人曰此吾邦之武當也惟茲奧區與於其曹  
隨旋四七相望星步之乾緯是綱天根昭回抵於龍亢蒼龍左  
角距乎明堂下臨豫野故韓之邦自河及荆綿互沮漳方城爲  
漢水爲隍楚以之爲北鄙晉以之爲南鄉河汾沃翼叔虞之唐  
輒由子而自王東姬不競霸府代強載書敵血胥荒泊變小而  
之微境惟秦命之靡遑干戈間與以爭尋常介二邦之兩間茲  
馬乎戰場秦噬六國背扼吭席卷方輿括於一囊韓社既墟徙  
治南鄉卯金典午下暨齊梁僑立始平名誣實違鬱挹百代今  
盛時以聖繼聖七葉重熙西越流沙東漸峒夷北撫幽都南控  
題際天所嚮率郡縣之維南鄉之故郡其苗裔之所遺陶治道  
舊俗不移昔尚郡縣之維南鄉之故郡其苗裔之所遺陶治道  
氣敢爲今鄉義方謹自持知射利之去本咸盡力于耘菑悟漁  
獵之暴殄悉絃誦于書詩此並山之民其風聲習之梗槩也茲  
山曰峯設險自古或曰天中氣之所祖或曰仙室以真靈之攸處

志六

輿地八 山川

五

繫漢皇之訪仙遂名之以爲武自我朝之御極常默輔於民主  
爲祥風嘯爲時雨薰爲豐年兼此荆豫上原下隰墳壤沃土千  
秩良功績穡黍漆千章其幽泉萬圃其廡水浮餘艘雲集廩  
庾良功績穡黍漆千章其幽泉萬圃其廡水浮餘艘雲集廩  
擾畜皆蕃於五特素封或比於萬戶惟靜重而安宅故無利而  
溥此並山之地其土宜物情之饒美也子嘗窮山之所以爲山  
乎肇自混茫初有太極輝胚結融元化挺殖清濁剖判坤闔乾  
大塊載持以土與石磅薄兩儀天地之骨無山其間何恃爲力  
佛藏之文暨道家之書辨須彌與鐵圍矜蓬萊與方壺或以爲  
天之所治或以爲列仙之所居既莫究其信誕又安議其有無  
考乎職方所紀輿地之圖天孫惟東秀帶醫閭龜蒙云亭鄒嶧  
果祝融司南九疑蒼梧五嶺延吳百粵三塗金天太白古引天  
終南褒斜連互坤隅冀方常山上黨飛狐天下之脊燕冀之乳  
室軒轅四顧諸夏太行關嶽帶洛社各據方而稱嶽以形勢之  
可詫觀此山之形勢敢論嶽以諭借勿論岱宗能小天下擬秀  
於恆嵩培清雄於衡華可顏行而差肩或並驅而方駕彼設位  
既尊此宜處乎流亞昔吾子之所觀徒闕茸于千里蔽翳者岫  
顯者肥蜀者獨寡而憚憚者連屬而靡靡襲至於三者惟名之  
以陟成邱於一者惟名之以休密則其奧也如堂之可處盛則  
表也如防之禦水曰章者下故而上正曰隆者宛中而四起雖  
而卑也以防之禦水曰章者下故而上正曰隆者宛中而四起雖  
不齊是皆界邱而遷迤大頂居中眾山來宗屹如長人撫摩諸  
獲附麗而邇者遂資緣而亦崇卻顧醜夷莫之與隆傷立而九  
分職佐理者曰卿寺之列前向而三若視品同秩者曰槐府之公

侍側若承顏而溫清者則以為世子居內若僮體而順附者則以  
為後宮曰主簿者曲拳有文墨小司之積巖曰竈門若膳羞之饗銳  
前不可犯之容堆曰萬斛若倉箱之積巖曰竈門若膳羞之饗銳  
或左或右或柱石則惟筆銳擁後合若車騎則為五龍曰朝趨者  
劍履之序立若旂旄和鸞之會同此三十六峯之形巖若宿與五  
嶽之同倫也汎觀茲山韻粹氣整噴奇峯巖峻嶺植若宿與五  
過焉而莫騁其屏則截然而下斷欲臨乎無地仰其椒則聳然  
而上升恐靡乎有頂參乎龍湫宅於絕境類括蒼之鑑湖同太華  
巖陲懸若匹練散為明磯飛流洩沫走派成溪黑谷冥冥翠壁巉  
嶮管棧履空繩通下巖徑若窮而復永石欲墮而相銜樅檜栝柏  
豫章梗楠車牛莫曳匠石所瞻蕙蘿輻輳穴產鸞鷲糾攬細大葳鬱紫  
翠相參蔽虧掩苒曠晝凝嵐林集孔翠穴產鸞鷲糾攬細大葳鬱紫  
菊亦有乎搶榆之異鵲息運海之鵬巢啖天之鶴蔚然蓬蒿芬兮叢  
薄石磽确元熊咆蒼兕攫虎之雀鷲徘徊烏鳶棲託也卉草植枿  
醜之貌噉獸鋸牙之駁介然之蹊坦然之壑亦聚沫猴亦隱狐貉  
毛之類噉獸鋸牙之駁介然之蹊坦然之壑亦聚沫猴亦隱狐貉  
而盈三品之金瓏璨琅玕陸離珍琳丹砂納錫文犀為琛蘭芬薌  
而盈三品之金瓏璨琅玕陸離珍琳丹砂納錫文犀為琛蘭芬薌  
肖人之參屢桑籛以成林紫蔓玉膏則有孤矢梧桐杞梓可以中清廟  
之瑟琴若乃據洞谷之勝玩林泉之幽暑衫芟製寒擁羊裘飯糗

六

輿地八山川

庚

以為食粹茹以為羞欲礪齒則漱石欲滌耳則枕流著書自怡遯  
世無求此癯儒肄業而巖以孔子為名者也悲朝菌之晦朔慕靈  
椿之春秋媾龍虎于丹鼎餌日月于玉樓友廣成揖浮邱蛻迹林  
壑于焉淹畱此載生不返能繼徐福之迹關令求道終從藏史之  
游而幼安希夷之徒各以其居而名其巖也飛錫御風隨錫而東越  
竟生滅此忠公安禪定之心元奘注釋經之說而七師佛子之徒  
各以其居而名其巖也飛錫御風隨錫而東越嶠嶺踰崕空此思大  
於茲若將從容神所徒處回雁南峯錫摧狼嶠故巖遂空此思大  
師戶庭潭空巖出上下杳冥日聽曰吾非人實處東溟敢獻宅室為  
墮直時遷而事異抑亦物異以如歸或蒼苔之封戶或垂蔓以穿屏  
匪朱欄翬飛蓋古唐亦物異以如歸或蒼苔之封戶或垂蔓以穿屏  
隆儀我宋太宗益宏故規錫以宸翰耀於璇題定陵昭陵復寵賁  
之頌天章日星之集拓寶文龍鸞之碑湛恩波於河漢燦光華于  
斗奎草木欣榮天龍護持裕陵妙天之碑湛恩波於河漢燦光華于  
揚俾奉禪耆多方開士海會雲棲四后之德民曰惟宜與山俱傳  
與天斯齊此皆山中取寫之簡編筆削罔據惟茲故老析證古語  
然書生執迂方冊是取寫之簡編筆削罔據惟茲故老析證古語  
昔神君隱耀屏處寔鍊陰陽游息洞府惟勇義而果德誓馘毒而  
御侮功聞元天白日仙去上帝將之升列四輔統虛危而肅殺鎮  
元枵之凝沍躡靈蔡以靜鎮馳率然而焱怒寶旌六纛天駒萬旅

元冥奉輿豐隆先路巨靈右戎夸父為御伐鼓崑崙節元圃數  
福施刑調節寒暑遊微下方歸侍帝所時願舊山千載旦暮當攻  
玉文祠以琳宇無文咸秩矧此宜舉祀典報功匪私其人捍災禦  
患致雨興雲或功垂於後世或德感于蒸民雖既往其迹已陳  
利及方來其澤日新民俎豆之名臣主錢唐之湖沙乃胥門之伍  
濱國為祗而載祀寔異時之名臣主錢唐之湖沙乃胥門之伍  
一江於灌壩祭冰子而自秦伊南州之孔明乃威西鄉祠於神  
是公惟人之龍天矯玩世臥於西隆游心義皇乃威西鄉祠於神  
宮鄙千駟輕萬鍾憤阿瞞之太猾藐景升之為容卻雖再而猶顧  
闕然而肯從會不陋乎庸蜀欲儷迹於漢中礪一州而抗八卒  
禮樂為具怒焉以干戈為飾託孤不欺無愧於曲阜行罰無怨愈  
賢於駢木運糧而足食決籌算於帷幄付笑談於巾幗彌年耕涓  
而效走仲達五月而渡瀘而屢禽孟獲功高任重心勞身瘠委塵  
之國誠遺濤江之陣蹟公歸九原德名彌白予觀此山去天咫尺  
名曰太嶽必以峻極儲英毓秀宜產特豈是公之生也於焉而  
降神非厭世而歸也於焉而廟食同符甫申可貫今昔與荆蜀之  
共祀非宇宙之惑感天子治鑿太清道法自然合明於日月體德  
徵矧人神之敢惑感天子治鑿太清道法自然合明於日月體德  
於坤乾文德充四表燿天山中入挺仁或以為瞻象瑜之烜耀與卿  
羅駢神聖出地榮光燿天山中入挺仁或以為瞻象瑜之烜耀與卿

志八

輿地八山川

三

雲之渺綿巖出器車澗流醴泉蓋以當五百歲之運邁七十二君  
之前藪有四靈之畜貢有三脊之管是宜舉巡狩之典封禪之篇  
嘉告不績升中名山輯圭瑞奉牲牲於方嶽亦望秩於山川惟子其  
邦興賢考律歷禮高年雖駐蹕於方嶽亦望秩於山川惟子其  
賦披榛寒裳跨泉捫石緣雲而升不遑暇食跼足龜手憐心殫力  
徧詣其處浹日乃悉歸謂丈人叟語可績告成紀功詞臣有職草  
野賤儒所不敢識元虞集記天之高不可知也日月星辰之神之  
吾得而觀焉地之厚不可度也山川草木之形吾得而察焉張先生  
妙不可測也變化應感之迹吾得而擬議焉是道也洞淵張先生  
其知奇偉絕而所謂紫霄峯者又七日武當之為山也七十有二  
能出雲雨見靈性也固宜矣又曰其帝而神之者曰元武元武者  
在天為虛危之宿在也託龜蛇之靈於五行而為水於五色為元  
其數則一也夫一之為一也離數而由起然則一固造化之所由  
即數而一之則夫一之為一也離數而由起然則一固造化之所由  
行乎天之一非天下之所謂至神者與洞淵曰自是而上吾不可  
以言喻也自是而下吾猶得以迹言之於洞淵曰自是而上吾不可  
和取其瑰異顯著者圖而傳之將使天下觀者動心駭目必有以  
啟夫驚喟感慕之意焉予從元教大宗師觀洞淵之有功於  
武當也曰洞淵在武當攻苦食力二十有數年梯危架險經營締  
構作宮室以奉香火夫以窮山幽谷比壯麗于通都大邑則洞淵  
規畫運量其武當為近故得詳言之明王在晉記始余有慕乎  
予弟佐邑在武當為近故得詳言之明王在晉記始余有慕乎

宇內名山而欲探參上諸峯之勝也期與武當君一遇焉丙午當  
守屬吏之禮見試事竣余乃從省會輕車往謁郎臺提督太和分  
然喜王君授為舍虛王君撰所為太和遊記并詩章以授予予躍  
游具且告予當從僻道至太和頂歸從三天門直下為徑捷予心  
識之而與予人苦僻路坎壈至宮門步乃謂士焚香前導宮制閱麗  
軒敞朱豐碧棖凌霄映日儼然祈年望仙不啻也瞻拜畢即攬轡  
出均陽城南門外甬道周行悉砥以石平坦互延直接太和而民  
居亦鮮整絡繹無復楚地之蓬壘如叩絲滴溷羽士笙簫列隊引車  
宮外石橋蜿蜒跨澗水聲潺湲如叩絲滴溷羽士笙簫列隊引車  
以過四望周遭黃山團團童而不木如城垣包裏而大嶽天柱諸  
峯挺然森秀嶂迴叢紫雲萬片一湧墮地曠野招搖妍麗更絕  
踊距向前將落村市則林條幻靡莽氣晦矚忽杳然不知其所向  
蔥道中無點塵瀟灑逸神南折兩傍杉檜松檜摩雲翳日蔚鬱  
不可數得之是時秋高木脫霜條吹績敗葉銜風四野寥寂而  
此境中猶重陰廣翠交眉映曉不知秋之速寒之屆也五里過治  
世元嶽坊蓋肅皇帝顏之以冠五嶽棹楔於皇燦爛已折而北為  
會仙橋於路勒石標題嵩聖壽者以萬萬計橋之陰則宮殿峩峩  
廣廈千落是為遇真宮仙人張三丰結廬黃土修真處也宮殿峩峩  
鶴嶺左望仙臺右黑虎洞成祖革命數使都給事中淡訪張子  
人而仙不可致今御書宛然在焉入山諸宮以遇真為託始予

志八

輿地八山川

天

入宮飯于丈室乃登環輿而行石街透迤濃陰黝靄輦可適馬可  
馳仰首瞰空不知亭午已過一嶺層巒嶺峻山勢迴復憑高而盼  
嶺岫巖擁如六軍排外未得瑕隙可攻峭石峻嶮增嶄重翠初無  
平田曠野為寥天域側萬仞之淵亦大奇已由是闢山為路  
一面懸巖岷岷峴峴一面逼側萬仞之淵亦大奇已由是闢山為路  
蘿藤葛藟臨淵不知其深第聞響流潺湲小木扶蘇大木虬結雜以莎  
自下而上雲來空谷沾衣拂袖聯目視之陽鳥西墜而高峯已銜  
其半矣趾高下行過斜垣曲道輿人指為太子坡是為元帝修眞  
處殿前有聖母滴淚池以日暮不及觀趨踰而行昇者請將乘輿  
轉殿前以昂其前子問何為曰過十八盤皆石蹬轉折而下不知幾  
百級高之不可勝卑之不敢煩手指把握不釋從者亦踟躕如  
有循於時沆漭暗濡嵐煙漸合山色如濛林梢滴露悄然寒襲呼  
童而益之衣迴翔鳥道千峯萬壑之野燎出林莽間乃紫霄宮  
之道士前為嚮道子乃就紫霄宮而宿焉詰旦期登太和屬從者蚤  
與夜半山鷄喔喔月照綺窗雲散石磬從半空中滴點道土炊黃  
粱已熟予乃披衣而起以爲天光將曙不知其猶未徹內也飲畢  
乃隱几臥久之乘月出步庭除殘星依稀若明若滅翹首望天見  
黑雲壓屋訝其欲雨道士謂此展旂峯也峯鐵色巖累巖不翅百  
丈如中軍旂燾噴然落半空中紫霄背負旂峯崔嵬岸聳高諸  
宮予乘月踏峯頭披雲吸露蒼焉莽焉依微辨色行至南巖曙霽  
忽開紫霞紅霞旭輪湧出珊瑚堆如繪如縷金光閃爍燭龍燦照  
暖物漸收而飛鳥嘈嘈聲出林叢間徙倚南巖宮門不隨日脚  
然身在閭闔目眇八極羲和之鞭可執也過南巖宮不入隨日脚

漸走兩山陡絕惟中有一綫通路逾嶺為榔梅祠循祠以往則三  
天門路徑也行過里許而方君所命使急足先至候於歧路自此  
以前閒道登頂與人苦之然無敢違守君命則躡蹻崎嶇一步一  
踏扳肩援手相與呼應聲振空谷道不可勝數背巖而馳環峯密  
如左在甕登其盤中鑽隙窺穴他無所見轉折數百武乃從山根  
過嶺俗謂之權喜坡而太和頂乃方熾然在目又折二三里過飛  
過壩喜坡而太和頂乃方熾然在目又折二三里過飛壩曰六十  
道左矣予乃借神廟少憩而加飯焉初予先於十九日命吏太和  
宮設醮至則菊秋之廿日也飯已整衣朝謁聖殿復折而左為太  
和宮宮如帝寢環以金城重雲擁護以象天闕宮之左盤旋而上  
傍列歷朝御製碑石梯經幾轉重累而度足搖搖不勝戰慄而始  
陟天柱之巔四維石脊如金銀色飛鳥不集閒生異草細葉蔓延  
秋冬弗彫松樹數株盤桓如結高不滿丈疑為鬼工因思明初  
兀突供案皆銅質液金為之殿製精巧渾成疑為鬼工因思明初  
循故道而下觀元時銅殿至神廚稍息焉是日寒雲四布陰霾障  
天悲颺忽起山木叫號小雨濛濛羣峯若失予謂來朝觀日色東  
升其不可夙約是夜伏枕就寢戶外雨聲且歇而山風咆哮未已  
因伏謁寒登頂欲觀日出而時已過卯扶桑吐丸躍然三竿上矣  
殿門凭闌野望羣峯萬壑偃伏踴息如尊帝高居上羅三闕下列

六

輿地八山川

五

九門冠蓋雲合四海入荒獻珍貢琛俯伏輦下不敢仰視童山四  
遠如驚濤洑浪奔赴雷門排空震蕩其青紫分行黛綠成隊則又  
似翡翠畫屏芙蓉裊禱倩秀豔冶美麗閑都光采眩目香鑪顯定  
諸峯峭然步趨岌岌汗背沾衣不可及者今始藐乎其小矣是日天  
風雖峭然步趨岌岌汗背沾衣不可及者今始藐乎其小矣是日天  
乃多步朝聖門從者請登輿而石級逼窄曲詰峻削如瀉鐵絙石檻  
貫多步朝聖門從者請登輿而石級逼窄曲詰峻削如瀉鐵絙石檻  
曳趨步直下初不甚苦疲至三日而兩巖猶木彊始知其壯勳不用扶  
出朝門循入山故道回視皇巖三公五老玉笏天馬諸峯簪盍  
透露得自循入山故道回視皇巖三公五老玉笏天馬諸峯簪盍  
有人巢居穴處虎豹張修道處見林杪石角懸筐籃以乞布金仰  
筆分岐處過此為烏鴉廟雷神洞朱垣緝宮指不勝屈予亦不能  
矣余乃登殿禮謁從大殿左折而下過元君殿為南薰亭外有石  
從橫下道復從元君殿左折而下過元君殿為南薰亭外有石  
遙指舍身臺孤危若墜而太和頂正當巖前縹緲以白至誠道士  
射巖傍有石壁穹窿高起如堆雲積雪層層停壓用片石刻五百  
靈官像僅可半尺亂置石竅間又東為風月雙清亭上有石枰亭  
倚巖窟如築成踞亭嶠若橫襟流覽百岫森疊翠微映此參道上  
險大觀也坐久日已過中王君使者請游五龍宮與夫謂五龍道  
險距茲三十里至五龍須來日返遇真余以出署兩月芬滯日積

亟欲下山遂不果往然出南巖而五龍宮殿高出灌莽且神遇之矣乃循故道過紫霄宮前所謂日月池禹迹池乘籃一寓目焉路出迴龍觀從者曰玉虛為入宮之首當一遊于是悉屏騶從歸遇真而以單車往玉虛周迴龍觀五里許千巒收斂眼前魄瑟盡去惟荒山旋繞脈絡未斷皆崑崙耳透出原田遠曠景色漸舒忽有層宮廣宇千間兀落平疇如郡城都市然詢之知其為玉虛宮也玉虛廣闊雄峙甲於諸宮與王者離宮別院相埒西隄山下曰陽祖師像下樓入後廡觀石魚敲之鏗然有聲殿有銅鼓曰此開山時物也覽畢出東天門流水灣灣蒼松古檜翛然數里神閑意廣由此以達遇真宮皆非人間境也遇真宮道士出張仙人之銅杖銅笠示余皆上所賜仙人不受蹴然而去不知其所適云至遇真日已晡余促治裝行而會有巴東張令來坐語少選王君復遺書問余茲遊也當有雷電自西北來微雨隨之是季秋之廿有一日也微公館宿焉有雷電自西北來微雨隨之是季秋之廿有一日也即未能一以窮觀縷然亦得山之大都矣說者曰禪主七十二柴望稱嶽稱鎮而獨遺於此山豈山靈有時晦耶夫以祖龍之雄周行海上金泥玉檢徧靈山洞府之藏而海上三神山卒可望而不可至彼可至者非其至者也蓋造物靈源聖迹不顯於外露必鉤深致遠乃能闡極秘藏茲山不遇主關土衍勝土木被文繡當為豺虎之區探求所不到故不登太和絕頂不知天柱之高也不得金城玉闕翠宇瑤宮憑虛度空天柱不可得而登也真仙張三丰謂此地當大興後果大其宮址以為祝釐之所椰梅重寔金杵

志八

輿地八 山川

三

躍地以應其符証秦漢以來所謂闕其奇局標其絕勝而以乾封石碣之文重哉卑之乎晉魏之無足觀也而以謝羅名謝羅不足為山重而適以山傳則是山也非真武何足以當之故名之曰武當王子載筆而為之記

長山在州西南清一統志均之右有長山當襄鄧入蜀之道羣盜據之

鈔掠貢賦中和四年刺史馮行襲討平之蜀道以通舊唐書馮行襲傳

西岡山在州西五里清一統志

紫山在州西二十里清一統志

黃洋山在州西三十里清一統志

佛家山在州西四十里接鄖縣界清一統志

牛頭山在州西五十里西北屬鄖縣嘉慶志山勢高險昔人置關其

上翁有石形如瓶俗名油瓶關明一統志

冷水山在州西北五十里府志

方山在州北十五里方輿紀要

臥龍山在州北三十里一名臥龍岡綿延如龍臥其北有冷水山府志

龍門山在州北五十里案明史地理志鄖縣東南有龍門山即此相近有石鼓山清一統志

青巖山在州北六十里清一統志

遠山在州北一百二十里清一統志

鄖縣

滄浪山在府城內形橫似舟鄖陽府志又縣北一百里亦有滄浪山清一統志

統志上有橫山似舟中各生倉鬲肇城志

很子山在府城明一統志隋圖經云山臨漢水山邊鑿石作六字皆方

一尺可識者玄田中邱四字下有很子冢為水所壞成小洲亦謂

很子葬父之所寰宇記案水經河水注以很子潭為很子葬父處在今均州又大石激下敘很子葬父事在穀城

襄陽之交與此很子山各一地蓋傳聞異辭也

志八

輿地八 山川

三

兜鍪山在縣東十里清一統志即漢中郡與南陽郡分界處寰宇記

摘星坡在縣東十五里府志

陡嶺在縣東二十五里清一統志

寶峯山在縣東七十里山形如螺塞龍門口縣志

碓子寨在縣東七十里四面壁立高峻有二大石屹立如猛將其

巔寬平可容千人縣志

黎子山在縣東一百一十里府志昔人曾置關於此明一統志

紅巖山在縣東南二里府志下臨龍滾灘形勢高峻色純赤方輿明紀要

成化中知府俞蓋改名赤壁清一統志

龍門山在縣東南七十里清一統志兩巖對峙如門水從中出明一統志一名

龍門河東北入漢方輿紀要

古塞山在縣東南八十里方輿紀要武當北有古塞城戰國時楚築以

備秦據山爲城高峻險削今名大塞山通典成化初官軍敗賊於雁

坪追擊之於大塞山是也方輿紀要

天馬山在縣南二里清一統志又名天馬巖舊傳巖傾出天馬王三字

明一統志

寶蓋山在縣南三里又名西山府志漢水又東逕鄖鄉縣南之西山

水經注西山今名寶蓋山南臨漢水元和志山北有巖旁視之有一穴

甚明號爲星牖寰宇記漢水經山下兩巖扼束爲控守要津方輿紀要

牛頭山在縣南九十里其東南屬均州縣志互

鷄鳴山在縣南一百四十里下有龍泉禱雨輒應府志

尖巖在縣南一百四十里懸巖峭削屹立千尺清一統志

賽武當山一名伏龍山在縣南一百六十里高插霄漢南接房縣

均州界縣志

志八

輿地八 山川

三

湘子殿山在縣南一百七十里縣志

佛泉山在縣南一百八十里縣志

梭羅洞在縣西南四十里一作杪羅洞府志巖頂湧泉可溉田百餘

畝清一統志

大嶺在縣西南四十里又南十五里有小嶺府志

白馬山在縣西南一百里高數千仞四面壁立西臨堵水縣西二

百里亦有白馬山府志

白龍峯在縣西南一百四十里頂有泉曰白龍泉遇旱禱雨輒應

下四十里爲帶霞山縣志

停竺山在縣西南一百六十里形勢高大中一峯名烏雲頂下有

停竺寺龍泉二天旱禱雨輒應縣志

小孤山在縣西四十里漢水中府志



紅門山在縣西五十里土石俱赤有隕如門亦曰覺門爲西津要路相近有魏家山縣志

大孤山在縣西六十里曰韓家洲即水經注之堵陽縣地府志

五豐山在縣西一百二十里高千仞山後有焦孟二寨兩山對峙

漢水經其中縣志

錫穴山在縣西一百二十里東臨漢水北瞻天河在長利廢址東

至今周山皆穴淘金者多窺伺焉鄉人禁之縣志

黃花寨山在縣西一百三十里明季居民多避兵於此縣志

青峯觀山在縣西一百四十里相聯有童山盤山縣志

廣山在縣西一百四十里高二十里許頂闊二里餘周遭峭石森

若城郭下臨漢水北界鄖西府志嘉慶閒郭匪王全禮據此采訪冊

孤山在縣西一百四十五里府志

志八

輿地八 山川

三

錫義山在縣西一百八十里嘉慶志方圓百里形如城四面有門上

有石壇長十數丈世傳列仙所居水經注一名天心山元和志山高峪

深至爲險僻方輿紀要綿亙百餘里折而西名羊尾山蜿蜒至鄖西境

府志

白龍山在縣西一百九十里即龍山也縣西二百二十里亦有白

龍山府志

五龍山在縣西二百四十里後有狼虎山西北有金盆寨四圍皆

險邑人金大鳴率鄉人修之縣志

鴉鵲山在縣西北二里甚高峻多鴉鵲巢因名清一統志

觀音堂山在縣西北五里腰有二穴面漢水一曰朝陽洞一曰觀

音洞又三十里至武陽巖曰武陽神洞中有湧泉懸巖深邃禱雨

立應武陽堰即泉下流也俗稱神洞爲十景之一縣志

金剛山在縣西北二十里清一統志俗名梨花寨府志

捉馬山在縣西北五十里縣志又有武陽洞懸巖深邃禱雨多應清一統志

又二十里有老寨山縣志

三臺山在縣西北八十里山勢三疊清一統志

寨子溝山在縣北六十里尖峯環峙下有流水里許注為潭潭深

莫測味甘美縣志

界牌鴨在縣北一百四十里為秦楚衝又有關子石門峭峪等山

縣志

古路堙山在縣北一百五十里甚高大上有古路盤旋而上左通

商南右達光化縣志

玉皇山在縣北一百六十里高聳入雲上有玉皇殿祖師殿鄉紳

曾修寨焉在丹水南縣志

志八

輿地八 山川

四

天井山案嘉慶志作大井在縣北一百七十里清一統志

斧山在縣東北二十里清一統志石狀如斧故名府志

雷峯山在縣東北六十里府志極高峻俗名雷峯坳清一統志明設

巡司鎮之肇域志

風火山在縣東北六十五里又五十五里有亂石山清一統志

案隋書地理志鄖鄉有防山唐書地理志鄖鄉有精舍山本名

獨山天寶中改名九域志鄖鄉有鄖城山均無考

房縣

東泰山在縣東五里為邑屏障鄖陽府志

青峯山在縣東九十里府志

見石山一名見日山在縣東一百五里縣志

倒驢山在縣東一百一十里縣志高險難陟接穀城縣界清一統志

石盤山在縣東一百四十五里以山徑盤繞而名亦名十盤山清一

志統

鷄鳴山在縣東二百里一名鷄公山縣志互詳後

建鼓山在縣東南一百里府志與馬鬣山連接二山竝高峻冬夏積

雪元和志袁山松記云登句將山見馬鬣建鼓嶷然半天華陽國志

云山水之艱有馬鬣建鼓之險卽此寰宇記

望夫山在縣東南二百里接保康縣界清一統志山在房陵縣東南渡

口輿地紀勝其脈自茅山來府志

冷盤隴在縣東南二百一十里高三十里與興山保康二縣接界

志縣

南山在縣南三里一名鳳凰山清一統志橫互於南其旁一峯孤秀巔

有巨石又有朝陽洞深百餘丈縣志

志八

輿地八 山川

三

定山在縣南七里府志吳曾漫錄云房陵定山有朱仲李園三十六

所輿地紀勝潘岳閑居賦房陵朱仲之李出此清一統志相近有石門山嘉慶

志

玉屏山在縣南十里山高頂平望之如列障府志

驥板坡在縣南六十里有挂榜巖橫列萬丈府志

洞兒溝在縣南一百四十里路險巖灣環十餘里峽峯峻嶒松色

慘黯三洞各有瀑布若自天而下咸豐六年以兵亂斷其路賊不

能越縣志

連環寨洞在縣南一百四十里洞上有石竹石筍旁有滴泉搏激

成聲其東石壁卓然洞口又有石壁高數丈短松蔚翠如屏風又

有將軍石奇特若人立左數里有四寨可容數十家縣志

阜山在縣南一百五十里清一統志左傳文公十六年楚大饑戎伐其

西南至於阜山是也方輿紀要

老龍洞在縣南一百八十里陽日灣境北其洞口狹中闊有石牀及香爐再入有石筍滑軟可愛折之出則堅於石有潭極陰森人莫之近天旱禱雨輒應又邑東南百五十里外有緩家寨下數里亦有老龍洞毗連保康境崇山合沓中一山聳起絕壁千仞下闢一洞去地尋丈洞門幽敞內則廣如夏屋地平如砥正中一石橫陳平整光潤狀如匡牀左右石鑿雁排井井有序再進則深而邃繚而曲須秉燭而行兩旁石壁具鳥獸花卉之象儼若繪畫昔有數人持炬深入欲窮其境乃為深潭間隔遂返每屆天旱遠近禱雨輒應縣志

景山在縣南二百里府志荆山之首在南郡界中山海經傳其山一名雁

浮山雁南翔北歸徧經其上土人由茲改名雁山又為雁塞山太平

志八

輿地八 山川

三

御覽引盛宏之荆州記高峯霞舉峻竦層雲山海經云金玉是出亦沮水之

所導故淮南子曰沮出荆山杜預云水出新城郡之西南發阿山

蓋山異名也水經注上有滴水巖縣志

黃龍洞在縣南二百二十里在後山坪之西其洞內外有門入里

許豁然高大平坦可容數千人二門峽深數丈有石牀石枕石臺

石磴天然其潭深莫測中有黃岡若龍臥鱗甲森然由岡而入則

三門焉水聲沸騰若雷祈雨者戰兢而出不終日而雨縣志

洛陽山在縣南四百六十里接四川大寧縣界府志

陰條嶺在洛陽山南東屬房縣西南屬四川巫山縣縣志

房山在縣西三十里縣志隋書地理志光遷有房山其山西南有石室似房因

名元和志

明月山在縣西三十里府志清一統志作月其下有巖誌公修

行處夜望之光明如月明一統志

紅巖在縣西三十五里石山平坦上建有關帝廟往四川陝西通

衢縣志案輿地紀勝赤崖在房陵西房陵鄉當卽此

三洞子在縣西四十里一連三洞或容五六十人或十餘人皆可

避難惟無水不可久居其右母豬峽等處亦有洞一二百所可避

難縣志案志又有陳先生長睡巖仙人石碁盤

九室山一名爛柯山在縣西四十里清一統志山有九室唐置九室宮

後爲陳搏修煉之所輿地紀勝

赤兔坡在縣西五十里一作赤土土色皆赤山勢平坦往竹山縣

通陝西之要道縣志

章石山在縣西六十里往四川通衢山勢最險上下二十餘里怪

石纍纍曲徑折繞縣志

志八 輿地八 山川

邱家洞在縣西八十里與伽藍洞躲軍洞皆可避兵昔人遺跡甚

多縣志

望佛山在縣西八十里高十里府志一名萬佛山上有寨可容萬人

縣志

秦王山在縣西一百二十里府志

黃龍山在縣西一百七十里府志

白蓮洞在縣西一百八十里漳洛河上壩之南懸巖一洞洞口高

大洞內深邃路徑曲折起跌有潭有橋石門層層寬窄不一咸豐

六年漳洛河一帶之居民避難於此被襄匪煙薰死者四百餘人

縣志

九道梁在縣西三百六十里左有山梁九道卽唐時九焰山山南

山北有僻家寨烏家寨縣志

羊子山在縣西北八十里山石如羊故名一名楊子山府志筑水所

出清一統志

佛劍山在縣西北一百四十里往鄖捷徑縣志

兩乳山在縣北七里縣志房陵縣有兩乳山輿地紀勝

馬息山在縣北七十五里有馬息古驛清一統志

黃竹山在縣北一百里縣志山上竹色皆黃與楊子山相接明一統志案

元和志黃竹山在竹山縣北一百里輿地紀勝引作在房陵縣北案一百里自誤然寰宇記云黃竹山在竹山縣東一百里則當與房

縣接界故明一統志方輿紀要並云山在房縣清一統志但載山於竹山似未甚合今分著之

鷄鳴山在縣北清一統志案輿地紀勝鷄鳴山在房陵縣北一

里一名鷄公山者方位清一統志同與縣志云鷄鳴山在城東二百

里數懸殊蓋別一山也

馬嘶山在縣北一百二十里最高險清一統志

香耳山在縣東北一百里清一統志

界牌隴在縣東北一百三十里與均州接界縣志

瑤峯嶺在縣東北二百五十里東界穀城北界均州縣志

案漢志房陵有淮山華陽國志作維山寰宇記稱房陵城四面

有三十四山其名惡者曰罵詈山繫年錄建炎中王彥敗賊桑

仲於白磧方輿紀要白磧山在縣西北今鄖陽府志縣志及通

志皆無考附記於此

竹山縣

霍山在縣東三里有蓮花池清一統志一名蓮峯縣志

方城山在縣東三十里鄖陽府志楚北山章昭吳語注其山頂上平四面險

峻山南有城長十餘里名曰方城史記禮書正義引括地志春秋庸地方輿左

傳云楚使盧戢黎侵庸及方城卽此寰宇記又名望楚山房州圖志

云楚懷王二十八年秦與齊韓魏共發兵攻楚方城秦軍登山以

望楚國故名輿地紀勝

長腰山在縣東清一統志相接為東谷輿地紀勝

香爐山在縣東南六十里狀若香爐接房縣界又名界山縣志又縣

西南一百三十里亦有香爐山清一統志

龍祇山在縣南二里清一統志相傳有道士王若沖於此服柏葉成仙

寰宇記

鷄公山在縣南三里清一統志

微王山在縣南四十里府志

火燎山在縣南一百六十里清一統志

摩天嶺在縣南三百六十里清一統志綿延二百餘里巖壁險峻嘉慶

八年知縣范繼昌平之縣志

望仙山在縣南清一統志與九女山相連輿地紀勝

志八

輿地八 山川

三

白馬塞山在縣西南三十里一名白馬山清一統志堵水旁有白馬山

山石似馬望之逼真側水謂之白馬塞孟達為守登之而歎曰劉

封申耽據金城千里而更失之乎為上堵吟音韻哀切有惻人心

今水次尚歌之水經注

上庸山在縣西南四十里清一統志明史地理志竹山有上庸山

馬鞍嶠在縣西南一百三十里峭壁斗矗可五百仞三面峻絕一

徑入焉府志

佛爺匾在縣西五里旁一洞有佛像因名為房谿川陝要路山巖

陡險范汧谷捐廉倡率士民修成坦道縣志

懸鼓山在縣西五里隋書地理志竹山有懸鼓山一名庸城山清一統志庸人於此

山置鼓因名寰宇記相連為橫鞍山輿地紀勝一名馬鞍山清一統志

筑山在縣西五里有白雲巖清一統志筑水出焉明史地理志

鼇山在縣西十里鼇水所出清一統志卽今芝麻嶺也縣志

黃茅關山在縣西十五里山路險峻舊有關又十里有十轉山以

山徑盤曲而名又五里有鶴山清一統志

了角山在縣西四十里舊產綠松石嘉慶志

燕子山在縣西四十五里嘉慶志山在寶峯鎮之左輿地紀勝兩山相連

勢若雙燕方輿紀要又二十五里有捨身巖最險峻府志

女媧山在縣西八十里府志與燕子山相對輿地紀勝

寶峯山在縣西九十里一名保豐山縣志

團山在縣西一百里清一統志相對有九里岡縣志

聖母山在縣西一百六十里縣志世傳有聖母仙過此見惡蛇舉而

擲之迄今縱橫四十里無蛇明一統志

中山在縣西一百八十里縣志山有三峯中峯最高右有七寶寨一

志八

輿地八 山川

早

名七寶山府志

關嶺在縣西北一百三十里吉陽關北今名界嶺東界鄖縣西界

陝西白河縣縣志

交龍觀山在縣西北一百四十里以兩山相交故名府志

礬石山在縣北十里府志山有礬石其白如雪輿地紀勝

老君冠山在縣北六十里巖石圓起高數丈又三十里有架鷹巖

府志

停舟山在縣北一百里清一統志上有停舟寺今名茅塔寺府志

南竹山在縣北一百二十里大白石水出此又有平頂山均接陝

西白河縣界采訪冊

黃竹山在縣北一百里縣志元和志在縣北寰宇記在縣東一百里一名黃竹嶺清一統志

山上竹色皆黃後魏改置竹山縣因黃竹嶺爲名元和志



倉樂山在縣東北一百五十里

清一統志

舊經云昔邑人徐元周積粟

於此後遇饑饉發倉粟以救饑鄉人德之故名

輿地紀勝

韭菜巖在縣東北二百里

清一統志

案隋書地理志載竹山有花林山輿地紀勝載百丈山在縣境

微江對岸隔岸者曰二溪山

清一統志云微江今已湮沒不可攷

又神武山相對

者為豔谷今皆無攷俱附此

竹谿縣

誥軸山在縣東百步山勢自南迤東橫擁水口

清一統志

龍頭山在縣東一里

清一統志

五峯山在縣東十五里五峯竝聳相近有楮山

清一統志

文筆峯在縣東二十里

鄭陽府志

白崖山在縣東三十里一曰白巖山

案鄭陽府志作白雲巖

巖石突起色白

志八

輿地八 山川

空

其西有風洞口闊二丈深廣不可測

清一統志

馬鹿山在縣東五十里

府志

山產馬鹿故名在縣南六十里

清一統志

近有鑼鼓洞通竹山要道

府志

即瓷瓦關也

邊防備覽

長蘿山在縣東

清一統志

在上庸縣北四里

元和志

騎牛山在縣東南一百二十里

清一統志

相近有牛頭山

縣志

雷家寨山在縣東南六百里張公橋西

縣志

三王寨山在縣東南六百餘里即雷家寨內所屬地

縣志

鳳凰嶺在縣東南七百餘里張公橋東

縣志

紅巖山在縣南十五里相近有大峪山又五里有車停岡

清一統志

焦嶺岡在縣南四十五里

清一統志

鼓圓山在縣南六十里兩山對峙南為南鼓圓北為北鼓圓下各

有洞旱可禱雨

清一統志

鹽井巖在縣南一百里清一統志

迴龍觀山在縣南一百二十里又十五里有駐雲嶺縣志

算盤山在縣南一百五十里相近有白楊山清一統志

百吉埡在縣南一百八十里水名蘭池河其山四面隆起中仰若

孟乾隆初居民建太山廟於此禱雨輒應縣志

張家山在縣南一百八十里雍正湖廣通志

終南山在縣南二百里東有子房城清一統志

母猪峽在縣南三百五十里兩崖峭壁參天終年不見日色盛夏

無異寒冬居人以擁爐為常縣志

蕭家坡在縣南三百六十里山頂與四川大寧縣分界縣志

鷄心嶺在縣南四百里接陝西平利縣四川大寧縣界縣志

洞崎山在縣西南五十里府志一名銅溪山上有寨為設險處有銅

志八

輿地八 山川

里

溪洞清一統志

王冢山在縣西南二百里縣志在上庸縣西六十里相傳上有王冢

三寰宇記

界嶺在縣西南四百里與四川大寧縣分界縣志

覆船山在縣西三里下有元和觀秀有隱真洞府志

畫屏山在縣西五里一名畫屏峯清一統志絕崖峻嶺奇秀如畫明一統志

中峯山在縣西三十里絕頂有寨康熙甲寅年穀城鎮總兵楊來

嘉及竹山營遊擊謝泗叛率賊眾來攻知縣曹席珍挈民保聚其

上賊不敢犯縣志山最險峻府志

偏頭山在縣西三十里縣志偏削如拱揖狀明一統志相近有左旂山清一

志

香山在縣西七十里峯巒峻聳即古香山寨今屬白花寨府志

連錢山在縣西北六十里迴環相連形若布錢相近有豎旂山清一

志

鷄籠山在縣西北六十里以形似名一名鷄峯山清一竹谿河出

焉府志

籬圈山在縣西北九十里青壁陡絕形如籬圈與陝西玉仙河分

水為界府志

大頂山在縣接陝西平利縣陝西志

五星峯在縣北一里五峯相連清一治前疊連若相顧意時稱五

星聚奎邑中文人視蒼鬱為徵兆明一一邑主山也廣輿記

九里岡在縣北七里清一

獨松山在縣北三十里上有獨松寺寺前有古松一株大數圍其

下即茨溝嘉慶志相連有老君寨山縣志

志八

輿地八 山川

星

椒林岡在縣北四十里清一袤延三十里至大鵬山抵竹山縣界

縣志

青華山在縣北一百里府志以巖石參差而名清一即鶴頂山自趾

至巔高三十里接陝西洵陽縣界邑諸山發脈處也縣志

獨山在縣東北三十里一峯獨秀雄視諸山故名府志

鄖西縣

天池山在縣東四里鄖陽府志一名天池嶺上有池水四時不竭清一

槎牙山在縣東十里府志

火車山在縣東二十里府志一名火車嶺方輿紀要

界牌嶺在縣東七十里接鄖縣界嶺居其中故名清一統志案

合而明一統志云界牌嶺在縣西南一里乃別一嶺也

南門山在縣南五里危峯突起狀如列戟清一又有天馬山狀如

馬其側爲石婆峯山石峻峭今名老人峯

縣志

摩石嶺在縣南三十里上有石堅細可爲磨

清一統志

俗名土地嶺

黃連隴在縣南四十里舟行入漢之埠口

清一統志

娘娘山在縣南八十里

府志

極險峻下有九洞皆有泉名娘娘洞洞

下泉出如沸綠山田疇資其灌溉

清一統志

羊尾山在縣西南一百二十里卽錫義山支也眾山羣集如羊通

陝西山陽縣前明店社繁盛今則村墟寥寥矣

府志

嵩山在縣西南一百五十里

采訪冊

舊上津縣南五十里自陝西洵

陽縣子房山分支

清一統志

鑛山在縣西南二百里

采訪冊

舊津縣南一百里產鐵

懸鼓崖在縣西三里崖有石懸如鼓

縣志

石門山在縣西五十里兩峯峙立如門

縣志

志八

輿地入山川

畧

馬鞍山在縣西六十里勢高危秀峯崛起而中稍平

清一統志

龍山在縣西一百六十五里

采訪冊

上津堡東十五里上有龍泉

黃龍山在縣西二百里

采訪冊

山下有洞洞有泉禱雨輒應相近有

趙胡山

清一統志

趙胡二姓昔居此

明一統志

盤山在縣西二百二十里

采訪冊

舊上津縣南一百二十里

廣順山在縣西北二十里

清一統志

一名華蓋山

滴水巖在縣西北三十里

清一統志

光照山在縣西北六十里懸巖峭壁皆巨石

清一統志

其山向陽故名

接陝西山陽界

陝西志

黃龍崗在縣西北七十里洞口寬三丈高一丈餘明季寇亂土人

避難其中生全甚眾

府志

任嶺在縣西北一百十里

采訪冊

舊上津縣北三十里

清一統志

爲秦楚

徑道府志

如來巖在縣西北一百三十里舊上津縣東北四十五里俗名趕

龍洞清一統志有蛇為害一僧驅入洞害遂除縣志

十八盤山在縣西北一百三十里舊上津縣西北五十里勢高峻

盤折十八曲方至其頂亦名紅巖清一統志明史地理志上津有十八盤山

觀軍嶺在縣西北一百六十里采訪舊上津縣北十五里雍正湖廣通志

周恭山在縣西北一百六十里采訪舊上津縣西北二十里相傳

有周恭隱此清一統志

五峪山在縣西北一百七十五里采訪舊上津縣北五里自秦嶺

分支有五峯攢聚清一統志

天蓬山在縣西北百餘里古名雲臺觀高數十里有溫泉雲母諸

勝府志

志八

輿地八 山川

巽

紅巖在縣西北二百八十里采訪舊上津堡西北一百七十里明

末寄治於此府志

鵲嶺在縣西北二百八十里采訪接陝西山陽縣界一名鐵鵲嶺

清一統志嶺極險峻紹興十六年與金和好成割鵲嶺關外章馱坪為

界輿地紀勝在舊上津縣西五十里山形壁立勢若鷹隼山內有洞府志

黃山在縣北二里縣志

九龍山在縣北四十里週圍九峯高峙縣志

香爐山在縣北七十里石高數仞望之如鼎府志又有觀音洞洞前

有潭最深清一統志

天柱山在縣北八十餘里牛頭山是也府志隋書地理志上津有天柱山一名牛

山段成式名山記秀出眾嶺有穴名遊仙洞洞口有竹數莖寒風

凜凜人不敢入寰宇記宋邵雍嘗居此府志

魚洞在縣北八十里石穴泉噴高丈許穀雨前輒有大魚隨出里人於下流編竹取之案寰宇記上津縣東北百五十里有嘉魚穴穴口闊三尺常有水上已日卽有羣魚出穴大者尺許名曰鱒魚卽此洞也府志

放馬場嶺在縣東北七十里蜿蜒四十餘里府志

風洞在縣東北八十餘里風從洞湧出鄉人戲以木葉聚洞口噴

颺若蝶府志

黑龍洞在縣東北一百里絕崖有泉出水聲洶湧相傳為黑龍所

居禱雨立應府志

案隋書地理志上津有詔及山女思山今無攷

保康縣

陀峪山在縣東五十步縣志作五里一名萬朝山迤邐層疊三五里許

志八

輿地八山川

巽

縣中諸山皆自此發脈清一統志

三十六榜山在縣東三十里峯巒環列計三十有六若排榜然清一統志

統志

茅山在縣東南六十里雲霧四時不絕其脈自巴山迤邐而來為

邑羣山之祖鄭陽府志

司空山在縣東南八十里接南漳縣界清一統志互詳南漳

懸壺嶺在縣東南九十里雍正湖廣通志

滴水巖在縣南八里嘉慶志

黑龍洞在縣南四十里洞在山腰歲旱禱雨輒應縣志

馬鞍山在縣南五十里極高峻清一統志

千家林在縣南六十里西連紅巖寺東接程起山廣百里有奇嘉慶志

志

羊門洞在縣南六十五里相傳洞初開有羊隨水浮出項繫有牌故名羊門或曰水聲洋洋亦作洋門縣志

寨山在縣南八十里府志

老架山在縣南一百里縣志

鑼鼓府縣志並山在縣南一百二十里雍正湖廣通志

石人山在縣南一百五十里清一統志

穿洞在縣南二百里名白石河山村周遭約七里許河水直達洞

口洞中半為深溪半為灘水聲若雷相傳別有石磔可階入不知

所止或以鴨送入流數十里從山腰水洞出縣志

迴龍寺山在縣南二百里嘉慶志山勢極高峻一嶺盤曲上開二峯

府志

跳魚洞在縣西南三十里地名門樓頭石橫河中水如瀑布遊魚

志八

輿地八 山川

七

跳躍而上縣志

九龍洞在縣西南四十里下有清潭極深潭盡處有石棹橫焉後

復有洞狀似龜蛇守其口無敢入者每旱禱雨立應乾隆四十七

年知縣張曾秀勒石記之縣志又五十里有九龍案山清一統志

亢家巖在縣西南五十里巖高百丈中開一穴高闊各二十餘丈

內供佛旁有小池水常滿避亂者汲飲於此不溢不竭縣志

馬盤山在縣西南一百里清一統志峯似馬頭盤曲九折故名府志山側

有磨子洞輿地紀勝

高尖山在縣西南一百三十里嘉慶志

果老崖在縣西南一百四十里後有雙峯竝峙直如旗杆亦名旗

杆嶺巖腰怪石嵯峨形肖果老騎驢又縣南釣魚磯旁有果老崖

縣志

望夫一作望佛山在縣西南一百八十里府志見房縣互

筆架山在縣西二百步清一統志

冬瓜山在縣西四十里有四石形如冬瓜清一統志

紅巖在縣西九十里其色紅清一統志

萬安山在縣西一百二十里清一統志

梭塞山在縣西一百八十里雍正湖廣通志

五臺山在縣西北五十里清一統志

三尖山在縣西北九十里清一統志

萬連山在縣北三里上有真武洞清一統志

烏呼鳴在縣北十五里其山多石徑甚崎嶇清一統志

大山寨在縣北五十里接穀城界周圍寬廣約六十里中峯聳峙

雙崖壁立自成石門門外巨石如屏容人側入絕頂平坦可耕闢

志八

輿地八 山川

巽

十餘畝又有東西二井其水不竭居民避亂者咸賴焉縣志

罐子山在縣北五十里清一統志

白雲山在縣北六十里府志

八疊坡在縣北八十里嘉慶志

漆樹山在縣東北四十里縣志案嘉慶志有大漆山去縣東北六十里考縣境東北界五十里而止或

即謂此山

案隋書地理志永清有照珠山百武山今無攷又唐書地理志

永清有房山而房陵下不載豈隋光遷之房山改隸永清歟